

雜
劇
三
集

續西廂

伊璜查繼佐著

第一折應制填詞

世謂西廂後卷逐前而未有敢作者此借應制填詞止義誓死爲鶯紅生色遂使全傳燁燁其詞亦朴古力迫元人

二宮使上。早上傳呼宮太來。至尊親試探花才。綠囊秘好和烟出。題目應知第幾枝。咱官人奉了朝廷旨意。親到翰林院新授編修國史張探花的寓所。就賜他張芝的筆。左伯的紙。韋仲將的墨。要他應制題詩。朝廷則便著俺立賣回奏。我想等閒的才思。怎應的這等急詔來。未知那探花如何下筆。

也

賞花時猛聽得捧硯題詩勞貴妃。清平調早譜入

梨園供奉矣。今日復尋伊。宏辭科裏。酩子裏看五

色爛雲霓。**下生**則俺張珙。荷蒙聖恩。探花及第。除

授翰林院編修之職。自從去秋與鶯鶯小姐。長亭

分別。不覺半年有餘。俺雖然西廂作合。却不曾合

卺成婚。不便就攜家到京。心中未免牽掛。

集賢賓雖然是探花郎。隨狀元同及第。却名兒偏

有風雅。總是交齊。爲甚鶯鶯心醉。只是選風流御

筆親題書年籍。正月子時。更殷勤。恭填佳配。道是
新婚。是崔相國。門相永感下。別無兄弟。只苦那紅
娘不載。怎提起君瑞相知。敢此時題名錄到了蒲
東也。俺小姐呵、

逍遙樂他情兒深細。鵲噪燈花。何曾便喜。却又掉
的不下也。夢斷金泥。没人處。抓破牛衣。道誰要當
年季子。雖及至得了捷報呵。兜的裏心兒乍慰。却
收回歡忭。學做夫人。持重威儀。那時絮絮叨叨。對
了紅娘說的咱不了、

掛金索

一個道牆角幽吟。大是春秋筆。一個道閭

外傳書。暢好英雄氣。一個道詩謎猜尋。服煞聰明
異。一個道甲子貞元。仗得星辰利。小姐。你這樣慧
才。倘然應舉。不做意便奪了個狀元。俺掙挫也差
你一二名。

金菊香

則一個真博古落魄文姬。比似那西子明

妃。不聞他通些經義。小姐。你隔牆酬和。恁的斂妙。
磬聲絕時。剛句集。就是同年也該就教。未敢肩隨。
稱晚輩。共型儀。官上。可便到探花寓所也。捧了綠

囊叫一聲張官兒接了旨者。生迎接介官。可便速將綠囊開看。收了筆墨者。俺們待要賣詩回奏也。莫教朝廷等的個不耐煩。生不知甚的兒題目在裏頭。

醋葫蘆 便不是春明待制詩。却可是甘泉侍宴題。這諸體兒比別更難爲。往常間內穿宮口傳天子意。却今番遣六宮佳麗。想來定不是個道學題目了。聖人不俗。道是協律諸司。非比別的。當用可人。爲風流惜重了碧雲姿。請問二位天使。朝廷可曾

道過題目來、**宮**並不曾道過來、**生**須索開了綠囊者呀、好一陣御爐香也、明白這詩題是月明三五夜、果然來得清麗、**沉吟介**我記得那日、紅娘持俺鶯鶯小姐彩牋、到俺寓所、題其篇曰月明三五夜、如今却不就是此題、

么本是個合歡子夜名、却做了明光甲乙詞、怎得個會文章元白般、魏絳做權知、蚤朝詩、摩詰翁能有幾、那聖人敢道我張珙是個風月的總管、鶯花的領袖、爲此諸翰林中、獨教應制、不比那前科這

鎖闥之試。聖人說侍兒們你去張探花處討了新詩到來。詩向會家尋不待去。奏涼伊。官咱們回奏要緊。探花只索起草者。生

梧葉兒 若是對彤廷。只索向階下立。風簷寸晷不

怕不刻燭依期。誰想從容館閣之中。也不許敲風推月。摹寒學瘦。直恁的七步珠璣。敢待要陳王復起。官咱們如今等不得也。生背介俺便立就一詩如柳公權。神速過于子建。却也不難。只是比俺鶯鶯小姐所作。未便勝他。却不出醜。想介有了。到不

如將他原句抄謄紙上。却也不辜負了此題。

後庭花不是註南華貪竊筆。却好錦廻文堪應制。

便做道天賦芙蓉鏡。敢照不出閨心脂粉氣。假如。

女媧氏坐了宸辰花。蒞夫人總裁考試。就是黃崇。

嘏敢推尊我小姐。寫讀介待月西廂下。迎風戶半。

開。隔牆花影動。疑是玉人來。詩已寫就了。兩位天。

使。須好好的籠著。同奏朝廷也。只說道臣生起側。

微。臣才愧拙遲。誠恐誠惶。上言切惟。這四句五言。

詩。實出枯腸。沒代替。官取詩介。官禁盛傳明主句。

鬢髮何用辟兵符、下生

青哥兒憑仗文君參題蜀檄。何似班昭踵成漢紀。

我想官使此去奏聞聖人、定加褒賞、有喜天顏近侍知。道是這等詩句、除了張某、誰敢道隻字來。味淡聲稀、氣到神隨。咱可知僥倖也。倩鶯鶯並馬翰林馳真書記。官上聖旨下、翰林張珙、應制五言詩、輕雲濯錦、素月流葩、旣姍姍其來遲、更飄飄而欲起、可稱此題合作、但體近閨詞、情參野合、此中必有緣故、著張珙從實奏來、不得含隱、生荷蒙天間、

微臣敢不直陳、

醋葫蘆

臣在蒲東普救時、那崔相國家、夫人有弱

息。臣此日賦河洲、珠咳與雲宜。幸臣妻和桃夭、繡

口因風寄。臣惶恐萬死萬死、果如聖料、這詩委是

臣妻崔氏所拈、却好故人情、把紅絲足繫。臣頃者

應詔、實出倉皇、不合一時聽了婦人之言、權將他

做稊稗、救年饑。臣有微情、冒死附奏。臣與崔氏、雖

經訂偶、尚未成婚、願謝編修之職、乞恩外轉。府尹

河中、遵行合卺之禮。語云、地天交而王事舉、夫婦

和而家道成、臣無任悚惶待罪之至、

金菊香可知天不怪幽期。只這牆角聯吟排了。帝
扉風流聖人顏自霽。旨下欽依。該吏部與憑伊。**宮**
咱們替你帶奏去來。**下生**且喜天使回奏。定蒙聖
恩優允。那知四句詩做了遷官的張本。待聖旨一
下。卽著琴童先去報與俺小姐知道。俺便收拾起
程做親去。好不歡喜者。

浪里來煞我赴河中討倡隨。恰像過門就親的一
般。暢好個看家婿。不消的納采了。又問期。馬牌行

直赴河陽會。呀。敢有個稱心的聖旨到來也。好事
近耳聽消息。更教眼望捷旌旗。下。

第二折 因風託素

鶯上 自從長亭分別。半年以來。神思昏昏。若有所
失。又不知張生功名之事如何。日來心緒愈覺無
聊。却怎的不著數行一問也。

粉蝶兒 春老流鶯不合的小名兒。厮並一霎時蝶

怨蜂憎。

却像伴侶單涼的一般。這鶯兒聲作啞。十

分孤另。你看那送別長亭。到如今烟晨草暝。紅上

姐姐、聞得街市有了題名的錄也、張先生敢待中了來、

醉春風 鶯誰不道飽學的解元張。上春官能脫穎。

向來處士盜虛聲。只我君瑞的文才整整。這叫做翰院的才。他尚書的蔭俺夫人的命。歡郎上姐姐適纔報喜的人。從寺前過去了。怎的不到我家來。紅娘夫人喚你去打聽的來。**紅應介**

迎仙客 鶯比似那人不俊。性又愚。學無成。却好多。年偏廝倖。便有個慕科名。獻娉婷。埋沒今生。**歎介**

則索想者、豈有張先生而不高第者乎、更不沙。看人兒索列於何等。**紅上**且喜題名錄上、第一甲第三名探花、就是俺姐夫的名字、俺姐姐可尋著了人也、可知喜也、且住、待我哄姐姐一哄、只說題名錄上並沒見個姓張的、姐姐適間傳來、說題名錄上並沒見個姓張的、敢待姐夫還等到來科中狀元哩、

上小樓鶯這幾日夢兒未醒。許多僎倖。只聽得猛的一聲報遞風飛。張琪無名一煞的。分外驚觸處。

憎強說道功名前定。背人時索不住。把座主閒評。
紅姐姐。我哄你來。姐夫中了探花及第。題名錄上。
寫得楷楷的。並沒些糊突。鶯我只是不信。

么你敢愁咱內懨。只索幫咱虛勝。便道心上張生。
榜上掄魁。殿上尊經。紅兀的不是第一甲第三名。
張珙。鶯可知是來。果然的荷福星。登御屏。人中之
聖。教我換不迭這淚眼相迎。紅只怕他客館中乏
人使喚。

滿庭芳。鶯便詞林寂靜。天街咫尺。多少逢迎。只琴

童呵、他伴窮酸、怎做得新承應。紅娘、你怎的隨到寓所、粗認家丁。記當初、曾傳些幽命管、今朝也權做頭廳。只是替不得夢醒處、衾兒剩。長安看不上假惺惺。只少恁鶯鶯。琴上俺官人中了探花、翰林應制、却好錯寫了鶯鶯小姐的情詩、問起緣由、改官府尹、著俺寄書夫人、且喜到了普救寺者、不免進見夫人。見介夫人在上、官人探花爺、有書呈上、鶯看介、你且把官人到京以後的事情、說些咱聽來、

白鶴子

琴

止不過四秀才。鹿鳴詩禮家。狼只爲萬

言書。驢唱短長亭。只這五雲中。鳳闕古今情。且看

一腔裏。豹變蕨蕨景。

紅

以後應試之際。你可也親

見來。

二煞

琴

只見那望遠樓。心花蜃六字。又見那至公

堂。藜火鬼三更。瓊林宴。插雙花。九重殿上恩。題名。

記認一家五百年前姓。鶯只怕官人中不上狀元。

心中索煩惱也。

琴

只爲夫人的詩句。花字多了。做

了箇識兒。不怕不是探花郎。

三煞你說道花香擁。擦些半戶風。花影動。探得隔牆情。那長亭送別的時節。却又親口說來。並頭蓮。強似狀元來。福不齊。越顯得文風盛。鶯却除授了什麼官兒。琴那時補了翰林院編修之職。

四煞有時侍經筵。正心誠意篇。有時知制誥。分職設官能。有時注起居。右事左言間。有時預纂修。治國齊家併。鶯難道不想量這邊了。琴只見我官人。事事的心記者。

五煞若是戴烏紗。記的東牆帽側時。若是踰雙靴。

記的。竚立閒堦。頃若是。綰絲絲。記的難繫玉驄長。
若是戴宮花。記的滿地胭脂冷。**紅**怎的就好回來。
也。**琴**又有一件奇事。那日朝廷封下題目來。是什
麼月明三五夜。要立刻做詩回奏。聞得官人就將
夫人的詩句。題了封進。龍顏大喜。**鶯**有這等事。

快活三這些兒露草情。怎上得玉堦聽。若要我逐
字兒註疏起來。花深風戶待誰迎。敢不是闕雅興。
琴那時官人從實回奏。離了翰林。討個河中府尹。
以便就親。已有俞旨。官人放心不下。特著小人先

來報知夫人。鶯呀咱昔日無心漫題。怎知道成了
有用的章奏。

朝天子 我幾曾慣經。草表瞻天聖。怕抬頭失敬。頌
語未稱。引據非全盛。誰知道。四句詩兒。做了官憑。
便他親迎。若是他如何皓魄。不見月中之句。咱也
抄謄在表上。管教動皇妃。傳近倖。奉詔蒲徵。便不
的做個河中令。琴做了縣令。見了河中府。少不得
手本廷參。

賀聖朝 鶯看上下官銜體勢分明。怎說得相思作

証。倒不如府尹夫人威儀堪並。推些舊情。或免縣君脚色躬迎。琴小人就要星夜起身。回覆俺官人。夫人可有些什麼話者。鶯我待寫書一封寄去也。

紅紙筆兒在此。鶯寫介

耍孩兒上寫著口脂五寸兼花勝。承嘉惠無不淚

零。長安行樂自牽情。幸不忘終始要盟。我這裏因風委露傷存沒。他那裏耀首膏唇眷寢興。情兒定看形消骨化。不泯丹誠。讀介奉覽來問。撫愛過深。見女之情。悲喜交集。一昨拜辭。倏踰舊歲。愚勿之

心永謂終託、倘仁人用心、俯遂幽劣、雖死之日、猶生之年、臨紙嗚咽、情不能申、千萬珍重、珍重千萬、玉環一枚、是兒嬰年所弄、寄充君子下體所佩、兼亂絲一絢、文竹茶碾子一枚、此數物不足見珍、永以爲好耳、琴夫人這玉環主何意思、

二煞旦因薄物達下情。志如環比玉貞。迴文錦寫天孫勝。遙天縹緲旋金鏡。低樹葱蘢繞玉屏。清光映其人如玉。其弁如星。琴這亂絲却怎的、

三煞旦淚分楓樹紅。情縈驛草青。紛紛觸緒春能

病。羅銷薄霧單無著。環佩輕風聽不勝。最苦是人
兒靜。紅絲誰繫。此意難明。琴還有那文竹茶碾子。
夫人也道個意見。

四煞旦。鵲鵲春日。詩。瀟湘夜雨情。淚斑兒洗不出。
英皇靚鳳簫。嚙嚙神仙侶。淇澳菁菁圭璧呈。雙枝
剩。其則不遠。未伐柯成。你千萬上覆官人。是必早
些到任也。

煞尾。閨心未席卷。人情如紙輕。縉紳中料不出新
蹊徑。切莫把通套書兒做樣請。下

第三折白馬堅盟

杜確是全
劇大主盟
不可無曲
紅娘是全
劇大護法
特須鄭重

小生上、下官杜確、自從提兵鎮守蒲關、我那賢弟
君瑞、爲著鶯鶯小姐、一紙書來、我與他解了普救
之圍、可不吃緊的媒人、就是下官了、今喜君瑞探
花及第、御筆親除河中府尹、這親事真正十二分
停當、誰想鄭恒這厮、只因初約不成、狠向老夫人
跟前、造下謊來、道他又贅了衛尚書府中、撇了鶯
鶯小姐、老夫人心下疑惑、又欲改婚、幸喜紅娘這
小妮子、辦些志誠、再三阻勸、夫人呵、你可也太輕

薄些、

關鶴鵠他是你遣將靈符。怎算做扳親遠譜。却好的合禮從權。狠下得分門別戶。那日兵圍普救初。沒咱的軍守蒲。早做了壓寨夫人。草頭女主。

紫花兒序一霎的塵生寶鈿。暈起冰肌。蜃沒香車。

那時筵中旖旎。馬上流蘇。規模你鄭恒呵。敢向飛虎跟前。虎頭做窠。今日裏白手討些死虎。這叫做情斷山蕪。雲盡楚巫。况且君瑞的信行。料沒有復贅衛尚書之理。

天淨沙。道學家滿腹經書。豈有棄糟糠短行之儒。
宰相家燬理皇都。好便教人戀新婚。惡了當壚。却
也鄭恒沒些見識。難道不怕張府尹當面來。

小桃紅。眼見那探花馬前頭踏迂。火急河中。去鄭
恒。我便勸你迎迓於途。喬身分出相前夫。告狀的
般道。是情絲對月紅牽預。咱不合夢魂雲雨朝朝
暮暮。怎捨得半道被人漁。他意見或者有的。我料
他沒這膽氣。只是老夫人便忒沒主張。

金焦葉。生不管羅敷故夫。却再嫁西施古吳。取號

復兼虞一之而已甚。其能再乎。聞得紅娘在那裏
絮叨老夫人。却也就說得好。

調笑令 他道我敗也波。却不成也波。無信焉能駕
大車。你道小姐的。夜深瞞月酸心句。便知音懂得
可。四耳聽的無。却教東方傳裏有名。這個侏儒待
許他紐捏。傍紫偎朱。待我到普救寺。親與那老夫
人說個明白。左右聽者。咱待要普救寺走一遭。左
右應介。直教左袒尋和局。莫認西廂是戰場。下老
同小旦上。老身只爲女兒鶯鶯。十分牽掛。我侄兒

鄭恒說那張生已招在衛尙書府中做女婿。他定然不想。了這邊爲之奈何。小生上左右與我通報去說鎮守蒲關杜將軍求見老夫人。老迎入見介
小生老夫人在上。前者孫飛虎兵圍普救之時。老夫人親口說來。道是退得賊兵者。以女鶯鶯妻之。事平之後。却要兄妹相稱。那時虧得紅娘小心傳遞。使夫人不失信于人。這教做反經行權。你家相門信行。倒是這小妮子一身担著。如今怎的倒聽了鄭恒這廝。仍欲悔賴前言。此是下官親眼之事。

也就是媒妁了。老夫人只恐說不得二話。**老**不是
老身忘恩。却也張生便有些負義。他不該就棄了
鶯鶯入贅衛府。**小生**是誰說來。**老**就是我侄兒鄭
恒說來。

禿廝鬼 **小生**他斗著膽饒雲渴雨。怕不反了唇改
雁裁魚。從來投杼母能無。老夫人你不省爲人謀
參乎。**老旦**我也爲張生算來。只是先相國在日曾
許了侄兒這亡者之言。教我左右難處。**小生**既有
這等言語。那時也不該輕口許了退賊之人來。

畢藥王。你把鶯鶯做注兒。權召募兵家號令。肯迂疎。便是地下亡靈。甚軍符沒鬼籙。死樞機無計剪。狂且仗個好色一人儒。老旦老身也曾設宴酌勞。可不怠慢了他。

麻郎兒。小生秀才家本事。除了風月。便是詩書。不上眼百換金珠。甚筵席將來閒叙。紅老夫人拷責紅娘之時。已曾將兩人配偶之事。從頭招出。老夫歎口氣。却像雙手擎將來送與他了。今日如何又說起。小生那小妮子前者勸解夫人一篇話兒。

咱也聽見來。真是感恩全信。轉敗爲功的大道理。
么他是侍兒稱今道古。老夫人是喬木門閭。怎不
曉史書成語。却不道一誤豈容再誤。老旦設使探
花果然負心。將軍何以處之。小生這事盡在下官
身上。

絳絳娘他討個尹河中五馬大夫。正待要認西廂
三生舊侶。這等看來。定沒別贅之事了。他道我現
任成親。威儀濟楚。這些百姓們。爭說道好好秦晉
雄圖。老夫人總是悔不得了。

收尾 禮嚴不告而先娶。你向兩廊僧俗高呼。這便是父母之命於初。媒妁之言有某。下官告退了。待府尹到來。一來恭賀。乘便贊美婚姻。還要上本叙些小的功勞。兼及這番因果。**下**

第四折紫綸合玉

紅上 則俺爲君瑞姐夫。及俺小姐的好事。老大擔個心事來。却好杜將軍做個証見。欲待具奏上聞。老夫人纔沒的說話。我想姐夫此時走馬上任。好不榮耀者。

新水令 他玉鞭風驟杏花天。玉堂人蒙恩外轉。都門辭錦餞。洛下瀉珠船。俺小姐呵。縣主情妍。做拂塵合歡宴。俺去小姐跟前。攬掇他插戴。好者。莫教舉案的孟光。手段生疎也。下。老旦上。老身聽了杜將軍的言語。斷送鶯鶯與張探花爲妻。只是侄兒鄭恒這邊。怎樣發付他。我如今別有個計較。還了他個人兒。却不兩便。紅娘那裏。紅上。張家姐夫。早晚到來。那鄭恒合該迴避。不知老夫人作何主意。老旦。紅娘。我思量侄兒鄭恒遠來。難道叫他空手

回去、我要將你替了鶯鶯、嫁與他、可不抬舉了你、
紅作色介、俺紅娘一世裏不見男子、却誰要他來、
老旦、我主張、誰敢拗著我、紅、老夫人聽紅娘告訴
來、

駢馬聽 咱生小嫣然、愛好的偷心看月圓、天教分
淺、只好向桃花深處、趁漁船、俺鶯鶯出落的小金
蓮、等閒怎捨得輕消遣、可知道嫦娥伴廣寒宮、伏
侍的、真不賤、老旦、你看這小賤人、索誇獎的、非常
也、做了鄭尚書的媳婦、體面何等光彩、他人却也、

央求不上、你倒看得輕輕地、可不折煞了你、

喬牌兒

紅女孩兒只自憐。賣不出尙書面。便教他

儘力把寒灰煽。那鄭恒呵、不是我輕彈。他光一串。

老旦。這是我至親、便不的、你怎的就輕口、這事

我定要主張了、**紅**且不要說別的、俺自幼隨侍小

姐。直至如今、何忍撇下了來。小姐、小姐、

雁兒落

則記你妝好鏡兒前。款款的對俺紅娘說、

果否如飛燕。俺不合小可解情篇。你却也是處留。

清盼。

得勝令

一會的雙笑顫花鈿。一會的並影垂金釧。
一會的睹月拋絁扇。一會的裁雲衝玉剪。一會的
冰絃俺撥弄個仙翁善。一會的花箋俺調停個筆
研全。俺紅娘雖是侍兒家。小姐却也只當妹妹看
承。

慶東原

並沒的第二個鶯花伴。索權做朋友般忘
年處雅意能忘賤。雖然個替不的交頸鴛。挨幾個
烟柳三眠。等幾個銅壺午箭。陪幾個鳳頭珠椀。看
幾個鵲駕星牽。
老旦我也不管。想這些小事情。便

是告訴了杜將軍。難道不與我主張了。誰容你使個性兒。紅那杜將軍敢也好說話。

喬木查 殺人的手軟。倒分外行方便。他爲鶯鶯當第一件。甚的到紅娘不值錢。只怕老夫人撐好硬頭船。老旦你倒埋怨我起來。你敢與張生有了直如此放他不下。我如今偏不許你跟。他待怎麼。紅這惡名擔的狠也。

撚箏琶 自從那東牀開宴。並不曾捉空代嬋娟。只他柳藉花眠。等個星迴斗轉。一憑風露滿。敢聲個

脚兒酸。賴不過爲魚雁。俗語道的來。拳頭兒走馬。
臂膊上立人。清頭白面。老夫人。你葬送人兒。總不
管。可頂上不是青天。老旦我如今整頓花花轎兒。
叫些鼓樂簇擁你去。你敢道個不字來。只我侄兒
鄭公子。一隻手拉了你去。你可也拚挫不得。

沉醉東風 紅婚姻事。大古裏憑人取便。沒揣的強
合了到老沒緣。便做婢作夫人。我不愁少門面。個
夫也不良。非吾之願。若欲相從。叫母也天。就死了
咱心不轉。

落梅花。譬如飛虎將。那日兵威展。幫了鶯鶯。儘套

頭白練。早做了。不辱其身。雙烈媛。如今且喜小姐

嫁著了人兒。紅娘就死也死得。使萬古傳揚。不肯

從鄭恒的好風流宅眷。下老旦小丫頭沒志氣。進

去怎麼。我去看他來。下生上下官只爲就親。崔相

國家辭了翰林。改授河中府尹。今日衣錦歸來。小

姐的鳳冠霞帔。却也多將著。見時索雙手遞與他。

可不枉了待月西廂也。分付頭踏。到普救寺者。報

介探花新任河中府尹。拜見老夫人。老旦見介。張

先生你是奉旨的新人、下踏賤地、有失迎迓、惶恐、惶恐、生呀、聽這些話兒、沒揣度也、

甜水令 嘗言道骨肉無文、直恁周旋、比似初見時、

只合春風撲面、笑靨迎前、問長安花宴、委寔何如、再問個路途、疆飯怎的、狠謙恭、故做歪纏、老旦新媳婦比那舊的何如、只怕鶯鶯望不到脚跟也、生這事從何處說來的、

折桂令 我自從離蒲關、一簇聯翩、見了些上國佳人、他馬首爭先、只有這雙看鶯鶯的眼睛、那其間

沒些迴盼。多說道兀那假道學只合孤眠。怎知俺戀殺人真心。一片見他們對別的却又情牽薄倖。皆然煞沒甚因緣。咱金石般兒只不斷初絃。

雁兒落 這新的任那天。卽世誰曾見。怎亂說夫人

行。昔者子見甫子。子路不悅。夫子矢之。小生也就
要發咒了。否者予天厭。杜上小官聞得我賢弟君
端之任河中。暫住普救。不免往賀。贊成姻事。須索
走一遭者。見生介。生恁兄弟探花回來。正待了俺
西廂之約。誰想這老夫人不知聽了甚人的話兒。

道兄弟有什麼新人在那裏。杜愚兄也聽見來。想
做了衛尚書的女婿。是實了。生難道哥哥也誤聽
了來。

得勝令 記當初一上管軍牋。也只爲再顧傾人面。

靠刀鎗裏苦撰雙飛傳。怎冠帶時輕調寡鵲絃。此
話誰宣。撩斷長生線。此意誰原。還憑知己憐。杜小
弟不待君瑞說來。早向老夫人跟前替你分辨。這
事也有八九分了。適間之言。聊試探花真心。勿得
見罪。內云。快報老夫人知道。紅娘短見。欲尋自盡。

却好歡郎看見，救了醒來。**老旦**有這等事。**杜**却是爲何。**老旦**老身只爲聽了將軍嚴命，無計打發我那侄兒，欲將紅娘認做女兒代嫁，權做個記念頭。誰想他抵死不從，險些兒做下了來。**杜**這却越教人起敬。**生**我初番許他築壇拜將，這債也未曾還得。

落梅花仗的你陡送風雲便，又何嘗私拈雨露偏。誰道你一丸泥閉關謝款，方信道築壇拜後無真。叛倒是俺小覷了他，還道是垂楊風線。**內云**快報。

老夫人知道那鄭恒哥哥，只因親事不成，連紅娘也不肯嫁他，滿面羞慙，氣鬱身死。老旦咳，可惜這沒主意的孩兒，自己斷送了也。紅上可喜的俗子，揮去了也。俺小姐只索歡喜者。

沽美酒

生癡心的夢欲圓，負心的天不然。從此嫡

骨的親，莫做門外漢。馬兒一鞍，不才的張珙，單強如的白衣倩。杜小弟已將你們這些因果帶在報捷的本上，想不日就有詔書到了。

太平令

生只你上軍功，合叨宸眷。似我赴私期，敢

望天憐。只好說晴空雲歛。莫提起迎風戶半合。著
個嫂溺從權。却不比露零清婉。使臣上聖旨已到。
跪聽宣讀。詔曰。納采親迎。娶妻之常。合禮反經。事
亦偶見。爾將軍杜確。所奏開封府尹張珙。普救西
廂婚姻一節。却與張珙題詩回奏的言語。先後一
揆。因變從權。人倫佳話。崔氏不苟從軍。洵有亮志。
其婢紅娘。委蛇全信。以不負相國家風。頗多偉略。
崔氏封爲文淑夫人。詔下之日。即便成親。紅娘許
爲側室。次第候封。杜確剿賊有功。有名的。著兵部

核實奏來。以便從公陞賞。謝恩。

錦上花

衆

禪裏參玄。西廂佛殿。軍中得婦。戈甲神

仙。筆墨縱橫。杜邀紅倩。詔旨紛飛。新婚舊眷。花陰
寂寂。天人在月中見。消瘦容光。千迴萬轉。果得行
吟。真憐長歎。舊意眼前。華堂春宴。

清江引

誰將會真詩一卷。摹寫咱前件。紅娘廣厦

瑣。阿母西風扇。我服煞你骨化形消。丹誠不沒之
句。則待奮凡心。險坐化了阿羅漢。

隨尾

蕭娘一紙腸初斷。遇潘郎清潤加研。靠得會

作賦的楊巨源。笑煞那續西廂的漢卿淺。

才子新詩擬化工。美人情重楚王宮。

由來錯認微之事。共道貞元九月中。

會得琴心試晚妝。情生愚幼未荒唐。

讀將憔悴羞郎句。恨煞風流不下塲。

ふ

了

孫

不了緣

碧蕉軒主人著

第一齣

雙文一詩
合有此劇
蕭閒瀟治
頗令風人
不淫不傷
之旨

生上 雙鯉迢迢歎索居。去年今際擁離卮。秋風原
上重回首。爲甚潘郎鬢已絲。小生張珙。字君瑞。西
洛人也。向年寓居蒲東普救寺。與崔相國女鶯鶯
成就了好事。荏苒年餘。誰料老夫人違背前盟。半
途變卦。因此上去年今際。走馬長安。倏忽之間。不
覺又殘秋時候了。咳。我想世間功名路窄。兒女情
不了緣。

多、老夫人狠計難堪、俺小姐芳心可矢、怎下得拋
撇前來、情史上可不道我薄倖了麼、這幾日間、整
頓行裝、待往蒲東探訪一番、一路行來、相望不遠、
怎童兒行李還不到也、**丑上**蕭蕭行李一肩擔、出
外方知行路難、相公、你休逞長鞭誇捷足、好教我
青衣常傍舊征鞍、**生**童兒、你來了麼、**丑**是相公、你
看一路上金、風、颯、颯、黃、葉、飛、飛、却、好、是、去、年、西、行、
時、候、了、

新水令

生

疎林蕭瑟落晴川。奈離人舊情空眷。幾

家殘照裏。一雁暮雲邊。秋水長天惹遊思。篷似轉。

丑呀。遠遠望見一處處紅的白的。煞是動人也。

驢馬聽

生只見景物依然。寒郊一派紅深淺。悶懷

淒斷。昏鴉幾點暮爭喧。映閒汀風細白蘋牽。綴疎

籬霜老黃花怨。則俺是賦悲秋楚客吟髭撚。生童

兒天色傍晚。你望前面可就近蕭寺麼。丑不遠了。

耳邊子聽得噹噹的一派鐘響。山門也望得見了。

落梅風

生疎鐘外。楊柳烟。鬱崔嵬舊遊禪院。闌跚

馬蹄纔數轉。猛抬頭屹人當面。迤邐行來。此間已

是童兒帶了馬者。我便走到老夫人處問安。您去報長老知道。說俺西洛故人來也。丑應下生寂寂秋深院。扉環半掩塵。尙餘三徑在。無復去年人。呀。怎麼悄悄的重門靜掩。杳無人聲。教俺費尋思也。甜水令呀。爲甚呵伊威瞰室。蟪蛄掛戶。敢待我錯認了也。早難道迷津漁子。錯認武陵源。可正是西廂那搭。問病齋頭。待月牆邊。則教我眼模糊半晌難言。

得勝令

生

心坎裏似油煎。脚根兒打磨旋。您可是

化朝雲陽臺畔。俺虛待浪乘槎。星漢邊。俄延盼不
見。傾城面。纏綿閃不開。離恨天。淨扮香火道人同
丑上不識禪玄法。惟供香火緣。相公稽首。生道人
長老在家麼。淨長老赴齋去了。衆師父都不在寺。
道人初到寺中。不識相公高姓大名。生小生姓張。
字君瑞。是你長老故交。訪親到此。我且問你一句
話兒。你可省得麼。淨相公請道。

折桂令

生

問伊行一段根源。相府閨門。流寓多年。

有那箇品誥夫人。鶯花佐使。風月嬋娟。幾口阿是。

不了緣

三

何下落。近新來。甚處留連。遮莫遷延。俺只是從頭
聽者。您可也費口詳言。**淨**這個我知道。那小姐早
嫁在鄭尙書府中。與鄭公子爲配。**生**嫁去了。**淨**嫁
去了。**生**這話可真。**淨**怎麼不真。**生**還有個侍妾紅
娘呢。**淨**也隨嫁去了。**生**老夫人呢。**淨**老夫人没人
依傍。也搬去鄭府左近住了。

川撥棹

生

呀。聽說罷。陡鳴咽。並頭花生。吃剪根絕。

江淹病足文園。到如今巫女空旋。小宋慳緣。甚支
吾愁眉淚眼。只落得西風腸斷一潸然。

七弟兄。老天可憐。恁無緣。猛罡風打滅。起渡頭花
片。閃得個沒主兒。劉郎望眼穿。等閒間。拋却三生
願。淨相公省愁煩。大叔且帶馬兒。後面喂養著。請
相公裏邊少坐。俺長老敢待回來也。生童兒。恁先
收拾進去者。俺待少立片時。則箇丑淨同下。

梅花酒

呀。我向這野寺荒原。盼幾座墻垣。剩一抹

松烟。馬卸却征鞍。琴疊起哀絃。楊下了青蘊。燈背
著孤眠。淚汨起流泉。他齊眉雙燕。爾咱搔首獨淒
然。人寂寂。恨綿綿。這相思死銜冤。死銜冤。可人憐。

可人憐。倩誰傳。倩誰傳。付紅箋。付紅箋。訴愁言。訴
愁言。達情函。達情函。叩君前。叩君前。續前緣。續前
緣。是何年。

收江南是何年。除是再生緣。便再生呵。也爭似得
生前。玉容空憶舊時妍。抵牙兒。心自轉。我可甚虛
空。摹擬見嬋娟。天色已暝。只索進去波。

沾美酒只索伴孤燈。籠晚烟。坐寒窗。慵待眠。恁便
是繡衾香。煖夢留連。會瓜期。浪有緣。則教我冷淒
淒。一夜夜。一處處。驚心滅現。果若恁香魂所見也。

應和俺些些歡戀。到如今也難說了。我呵說甚麼
星前月前金堅石堅。呀。猛思量怎禁他先上了別
人船。

雲雨巫山枉斷腸。天涯一望倍堪傷。

誰言千里自今夕。離夢杳如關塞長。

第二齣

步步嬌

小生半載鴛衾。心醉柔鄉矣。儘粉香花氣。

風流次第宜。旦上甫勾歡娛。怎禁憔悴無事兩眉。

低。

小旦問新人爭似秋容麗。更滿子繡衾融。香枕。

不了象

賦春占暮秋天氣。零夢斷。曉妝遲。花冠方午啼。
紅樓上。捲簾望。渾似去年情況。愁脉脉。思依依。此
衷誰得知。
小生小姐。俺與你偎紅倚翠。渾如夢裏
陽臺。暮樂朝歡。豈美天邊瑤闕。妙年佳偶。白首相
莊。平生之願已足。但常見你妝前繡後。飯罷茶餘。
恹恹如有所思。忽忽若有所失。端的是何意也。

武成令

小生合歡枝。雙雙穩棲。惜花心。星星做美。

將你恭敬。沒些兒失意。因甚的。歛眉峰。褪腰圍。寬
衣帶。將畫闌遍倚。
旦咳。鄭郎。我女兒家。心性如此。

你怎有許多猜疑

玉交枝 支愁無計。女兒家。帶小偏泥。翻嫌阿母容

驕恣。慣了。驪珠掌上擎持。小生住的是重樓暖閣。

也儘勾消遣來。旦爲厭紅樓礙夢飛。小生聽的是

玉簫金管。也不落寂寞了。旦生憎紫玉將心碎。旦

小旦背唱介。薄姻緣。憐香。這回舊根苗。疼人那裏。

小生趁此秋光如滴。正好與小姐消遣悶懷。紅娘

進酒。

前腔 澹妝濃綴。助情歡。霜葉披離。待一尊聊托秋

山醪願歲歲年年雙飛。自古道芙蓉不及美人妝。
今日看來。則這秋塘上芙蓉掩映。便怎及得你來。
爭似你凝艷梢頭。未可持。含愁倚處。多般麗旦。謝
慇懃。閒將品題。怕蒲柳姿。今番衰矣。生旅妝上。

園林好

生

意懸懸。蕭郎路歧。望迢迢。伊人水湄。始

信道侯門深遠。敢投下雨雲批。敢投下雨雲批。一
路行來。此間已是鄭家門首。裏面有人麼。雜扮院
子上。舊家門戶重重閉。春色綠何得入來。是那
一個。生。煩你通報一聲。說有張解元相公拜訪。係府

上小夫人中表至親，雜應進稟如前介。小生問旦
介旦：奴家並沒有甚中表。小旦：呀，莫非是張家哥
麼？旦低首不語。介：小生方纔小姐說從沒有甚中
表，如今又是那個張家哥？旦：我倒忘了，奴家母親
是他異派之從母，自幼隔絕，向年同寓普救寺，多
曾會面來。小旦：相公還不知道，向年蒲東兵變，若
非張相公解圍焉有今日？小生：原來如此，却是恩
舅了，快有請。旦欲迴避。介：小生既係至戚，何妨相
見。旦：奴家有些不耐煩，且暫時迴避。則個。旦：小旦

下生爲訪鶯鶯特地到此、好不辛苦也、怎麼還沒
有人相接、院子出邀請生、小生相見揖坐、介生朱
門畫戟、欣瞻閭閻名流、小生東箭南金、久慕文章
鉅手、**生**小弟與令正、忝在中表、向失候謁、

好姐姐只因那時崎嶇帝里、剗地裏分離兄妹、不
料後來、台兄却早乘龍了、標梅及時、賀君偕伉儷。
今日呵、歸行李、採取故親、瞻佳婿、休道是三徑無
媒、浪叩扉。**小生**原來如此、叫院子傳語後堂、快請
小姐相見、**院**進稟回覆介夫人說身子不快、不出

來拜見了、

尹令 小生是伊蔦蘿親誼。怎猜做外人迴避。生想、是還未知小弟到此知道了。自然就要出來。小生

對院子低唱介。傳言綺窗人未說。拋停暫時專俟

你笑蹴湘裙步步移。院子應欲下紅娘接上介。小

旦小姐說多致意張家哥。近因小恙不能出拜。奈

何。小生背云。想是托故的意思了。對生白介。令妹

果是有些小恙。不得拜見。生呀。却爲甚的來。小旦

我小姐呵、

不了象

品令支離病軀憔悴。兩中梨從君別後容顏。此日非匆匆無力。向菱花羞起。生千里遠來相看。怎不

會面就罷了。既然如此。就進裏面一會何如。小旦

小姐說。緣君腴腆。因此暫容偷避。生做愁眉不語

介小旦相公。你且免征衫。好向夜月筵前醉綠醅。

紅娘別下小生起立介

川撥棹生知何意。越教人難存濟。背介說甚呵風

月提攜。說甚呵風月提攜。恨漫漫藍橋路迷。畫眉

郎伊。是伊薄情人。誰是誰。院云酒肴已備。請相公

書房閒話

尾聲

小生相逢慢道輕歸去。生償不了別離情味。

合剪燭西窗聽漏催。

巫嶺岩巖鎖夕陽

楚魂空白識高唐

鄉心一夜知多少

地角天涯不是長

第三齣

懶畫眉

生帶醉態上。那裏是酒醒浮白。別腸多纔。

吃得幾杯。又不覺深醉了。怎當他醉裏愁城病裏。

魔呀。你看星光逼戶。月色在林。便是這牛女二星。

不了緣



呵、今日也似小生一般隔絕了、看雙星宛在鵲南
過。內作雁叫介這是什麼叫、做聽介卻原來呀呀
旅雁驚寒墮天那、則便是四壁淒涼怎奈他。雖則
如此、今日留宿一宵、也出他的情分上、咳、小姐小
姐、敢這些情分、則怕小生也消受不起了、

前腔

消受你紗窗斗室夜涼多。比著你兩人呵、抵

多少宿艷眠香疊綺羅。我如今也不怨著別人、則
怨我自己緣淺、單怨我無緣對面不逢他。則今日
呵、便癡魂有夢歡難做。則落得俛首無言愧素娥。

如此夜靜、待要不睡、身體稍倦、待要睡來、怎睡得穩、我且和衣假寐片時、待醒來再作道理、小旦上
淒淒樓外風、鬱鬱池邊草、有人獨憑闌、惆悵生暗
禱、好笑我小姐爲那張生、眠裏夢裏、思他念他、夜
夜對著一爐香、喃喃的不知暗禱些甚麼、今日張
家哥遠來探訪、他倒做起腔來、說身子不快、不便
相見、歸到房中、只歎得一口氣兒、你道是甚的意
思、教我紅娘也難猜著、這還不打緊、又百忙裏做
了一首詩、央我送去、與張生打話、這葫蘆裏不知

賣甚藥哩、待得前邊酒散、不覺已是夜深了、你看
月色溶溶、花陰寂寂、說話之間、已到西窗、唳、怎麼
靜悄悄的、沒有一些聲兒、等待我叩門、則個、做叩
門不應、再叩介、生做醒介、呵呀、天那、好悶人也、纔
睡得一覺、不知外邊是誰叩門、待我問他一聲、是
那個、小旦你試猜是誰、生可像紅娘姐聲音、

前腔

小旦紅兒小字莫嫌訛、單探你失意蕭郎君

瑞哥、生低首、莫非小姐也在外邊、且去開扉看來、
開扉試看共伊麼、做開門四下看介、小旦尋那個、

生小姐可曾出來、**小旦**呸、你還做夢哩、他秦樓久
下葳蕤鎖。比不得山郭人家舊苧蘿。生原來如此、
這番看我一看、都出紅姐姐美意了、**小旦**這也未
必、**生**難道小姐喚你出來的、**小旦**也差不多、生喚
你出來又是怎麼、**小旦**我小姐有詩一封、教我寄
與你觀看著、

前腔我書郵充寄隴頭過。作付詩介、交還你小疊
紅箋縛素羅。我小姐臨了幾句話兒、不好說、書生
薄倖恨如何、拋人容易將人挫。若要比前番、今生
不了緣

斷不能勾了。請別向連理枝頭咏伐柯。生做拆詩
誦介自從別後減容光。萬轉千回懶下牀。不爲勞
人羞不起。爲郎憔悴却羞郎。生做長吁介小旦張
家哥。小姐詩中說些甚麼。生咳總之從前種種不
堪回首。從後種種。越令斷腸矣。

醉羅歌

枉却枉却從前個。悶絕悶絕祇因他。下場

頭風雨斷星河。沒的番冤我。成就了流蘇春煖枕

鴛雙卧。全不想離亭秋晚。鏡鸞輕破。小旦張家哥

也不消煩惱了。豈無茂陵遺愛。從茲娛老耳。生天

涯那更憐消渴。甘潦倒任蹉跎。明珠十斛恐成訛。
小旦張家哥。你道我小姐爲甚的來。單怨你去年
走馬長安。杳無音信。致令赤繩多件。白首空期。都
道你的不是哩。若我小姐呵。

前腔金屋金屋。將春鎖無那。無那逗情多。護花鈴
輕去了。鳳鸞窠。剗地成拋躲。今日裏你兩下呵。香
消荳蔻空餘斧。柯夢殘巫峽。羞將黛娥還憶甚。西
廂影子風流過。空唐突艷羅敷。可知無奈楚襄何。
內打四鼓介。小旦呀。譙樓上已四更了。張家哥就

此告別、生小旦作掩淚介

尾聲 生 今生拚把愁眉鎖。又肯甚塵心惜花朵。煩

你寄語小姐、明日裏歸去呵、少不得取次傷心足病疴。

誰憐夢好轉相思

風動簾鉤月向西

無奈夜長人不寐

空餘幽恨到霜鷄

第四齣

外扮法本上 大千沙界如漆、隻手揭開雲霧、誰識
泥牛過河、浪道鐵花盈座、自家達摩祖師宗下弟

子法本便是俺祖師渡江以來、青蓮掛錫、白社傳
燈、這法門、像個什麼、却像盤中無子、定睛半晌、此
時未分黑白、尋思相怎麼下去、又如草裏有人攔
頭一鎚、彼人若知痛癢、畢竟向甚處討來、會得的
就當機半句、立證無生、不會的便盤膝十年、終非
了義、笑介、今日老僧閒話、片時又多一番饒舌了、
點絳脣 十載蒲團、白雲無恙、單惆悵、銀海茫茫瀉
不盡冤業相、看來世上人問的是名、求的是利、還
有沒要緊、最著緊的、是情、則被那情、香色艷、不知

阮了多少人也。

混江龍詩魔情瘴。孜孜汲汲。總堪傷。止不過紅顏
一擲。煞認做白髮收場。止不過些些泡幻。留空影。
煞認做種種溫柔。老是鄉。抵多少。山河巢蝶枕。樓
殿鎖蜂房。高低禾黍。六代冠裳。連綿丘隴。三生面
龐。假粉黛顏。誇春樹。真眉目。髣髴早秋霜。蠅頭利。榆
錢難買。蠅角名。蟻陣乾忙。拋殘香履。歷遍滄桑。泉
臺滋味。梅窟風光。鬼模糊。大槐宮裏。幻情緣。死淋
浸。長生殿角。風流謊。這的是生前黑漆。兀誰是夢

覺黃梁。暫下生上。午可爲天上牽牛織女星。不願
爲人間紅檣枝。一年一度一相見。放心終不移。那
堪朝開暮飛去。一任東西南北吹。小生爲何道此
幾句言語。則俺與鶯鶯小姐一段姻緣。迄今看來。
却是一場大夢。教俺欲就不能。欲捨不可。今早已
別鄭生歸家。思俺有一故友法本禪師。是當今善
知識。現居蕭寺。前次訪他不遇。今欲再去探訪他。
一番。且問他討一究竟。甚爲有理。已曾分付琴童。
收拾行李。整棹河干。待俺訪他回來。即便還鄉者。

不了篇

十四

一路行來、此間已是長老在家麼、
丙云是那個、
說有西洛故人來訪、
丙云請進方丈少坐、俺長老
待出來也、
外上

油葫蘆

外寶鐸風微午未央、正齋餘清磬長、聽報

道天涯遊子叩山房、笑介誰信是梵王宮、久謝閒
勞攘、這馬蹄痕、怎到寒方丈、
相見介則道踏城南
道數差、元來過蒲東行駕枉、一聲兒西洛張生訪、
重認起故人龐、
生小生有句言語、告知長老、向年
崔相國夫人同寓居此寺、他有女鶯鶯小姐、與俺

有終身之約、不料長安一別、擔悞歸期、老夫人竟把小姐配與鄭生爲妻、今次小生重過蒲東、到鄭府中、欲求一面、不意小姐又托故不出、引的俺如醉如癡、因此啟問長老、不知作何究竟也、外原來如此、張解元聽俺道來、

天下樂

休道是一覺楊州枉斷腸、癡也波狂莽生

涯把風月擔、則普天下、恁的是佳、人、恁的是才子、恁的佳、人才子、畢竟該道是、鍾情老僧、都不知道、也、今日裏葫蘆提閒將消息商、止不過冷颼颼巫

不了緣

十五

峽雲淡溶溶。藍驛漿。俺待把這其間覲面講。生從

古迄今。豈無佳偶。不乏良緣。何獨小生。不幸至此。

那叱令

外你也思夫。莊婦莊。有幾個齊眉的孟光。

你也思形。雙影雙。有幾個離魂的情娘。你也思山

蒼水蒼。有幾個遊仙的阮郎。其餘的也就多不濟

事了。止博得個空樓際燕子愁。斷碑上鴛鴦榜愁

又愁。少年場心性荒唐。生起立稽首介多謝長老

指教。小生省得了也。俺張珙雖未能寄跡佛門。俺

把此心先自皈依者。作禮三寶外隨意說偈介。

鵲踏枝

外

猛地理話行藏。便相攜禮法王。想那天

下事呵。可記取蕉鹿無憑。算將來金馬悲涼。仔細見
他一味裏躊躇半晌。恰翻身可了也。地老天荒。張
解元你可曉得俺法門。皈依三寶弟子。未能證道。
先學叅禪。你旣欲皈依。俺先把幾句話兒。與你叅
者。生憑長老指教。外如何是色。生眉黛奪將萱草
色。紅裙妬殺石榴花。外如何是空。生昔日蘭亭無
艷質。此時金谷有高人。外如何色卽是空。生夜夜
月爲青塚鏡。年年雪作黑山花。外如何空卽是色。

生曾經滄海難爲水。除却巫山不是雲。外大笑復
歎息介。張解元。看你隨問隨答。已見足具慧識。咳。
可惜你情根未斷。三十年後。再當墮跡人間。與崔
氏女完其夙因。這是後話。不必多講。則老僧今日。
又和你證了這假不了緣也。生承長老指點。不知
何以見得畢竟如此。外笑介。想當然耳。

寄生草 想作當然認緣因不了長。初先金石成虛
謊。而今灰淚空惆悵。他年鶯燕還承望。謾誇提蕊
珠宮千載玉樓文。早安排武陵溪三月桃花浪。生

後來歸根還祈長老暗中護持外這不消說得

煞尾

你看乾坤水上鋪。日月籠中放。白茫茫何處

是蓬壺瀛丈。碧落黃泉堪悵快。歎匆匆的幾日子。
悠閒纍纍的幾人兒。崛強猛回頭。年少拋人容易。
往爭如俺門呵。看金爐裊香。對蓮臺合掌。何必向
邯鄲纔透利名韁。

兩錯怨雙文恩斷

單相思君瑞情癡

會真詩西窗投遞

不了緣蕭寺提撕

不了緣

七